

Na osnovu čl. 13. i 14. Poslovnika o radu Koordinacionog odbora centralnih jedinica za harmonizaciju, člana 2. stav (1) Odluke o usvajanju procedura za stvaranje, evidentiranje obaveza i izvještavanje o izvršenju budžeta KO CJH, broj: KO-11/2017 od 19.10.2017. godine, Odluke o održavanju godišnjih konferencija iz oblasti interne revizije i finansijskog upravljanja i kontrole u javnom sektoru u Bosni i Hercegovini u 2024. godini, broj: KO-02-2/24 od 15.02.2024. godine, a u vezi sa članom 2. stav (3) Odluke o budžetu Koordinacionog odbora centralnih jedinica za harmonizaciju u Bosni i Hercegovini za 2024. godinu, broj: KO-02-1/24 od 15.02.2024. godine, i Programom rada Koordinacionog odbora centralnih jedinica za harmonizaciju za 2024. godinu, broj: KO-12-1/23 od 29.12. 2023. godine, Koordinacioni odbor centralnih jedinica za harmonizaciju d o n o s i

## **ODLUKU**

### **o odobravanju sredstava budžeta KO CJH za realizaciju konferencije o finansijskom upravljanju i kontroli u javnom sektoru u Bosni i Hercegovini u 2024. godini**

#### **Član 1.**

- (1) Koordinacioni odbor centralnih jedinica za harmonizaciju (u daljem tekstu: KO CJH), shodno planiranim aktivnostima iz Programa rada KO CJH za 2024. godinu, organizuje dvodnevnu konferenciju o finansijskom upravljanju i kontroli u javnom sektoru u Bosni i Hercegovini u 2024. godini.
- (2) Naziv konferencije iz stava (1) ovog člana je „Sedma godišnja konferencija KO CJH iz oblasti finansijskog upravljanja i kontrole u javnom sektoru u Bosni i Hercegovini.
- (3) Konferencija iz stava (1) ovog člana bit će održana 4. i 5. decembra 2024. godine u Sarajevu, u Velikoj sali Parlamentarne skupštine Bosne i Hercegovine.

#### **Član 2.**

- (1) Učesnici Konferencije su osobe zadužene za koordinaciju i razvoj sistema finansijskog upravljanja i kontrole i upravljanja rizicima u institucijama Bosne i Hercegovine, u javnom sektoru Republike Srpske, Federacije Bosne i Hercegovine i Brčko distrikta Bosne i Hercegovine, predstavnici centralnih harmonizacijskih jedinica BiH, RS, FBiH i Brčko distrikta, te eksterno angažovani predavači.
- (2) Planirani broj učesnika na Konferenciji je do 300 učesnika, od čega:
  - 70 iz institucija Bosne i Hercegovine i Brčko distrikta BiH,
  - 100 iz Republike Srpske i
  - 100 iz Federacije BiH.
- (3) Učesnicima Konferencije osigurani su ručak i osvježavajući bezalkoholni napitci tokom trajanja Konferencije.
- (4) Predstavnicima centralnih harmonizacijskih jedinica Republike Srpske i Brčko distrikta, koji učestvuju u organizaciji Konferencije, osiguran je hotelski smještaj u Sarajevu (dva polupansiona).

- (5) Predavačima na Konferenciji, koje dolaze izvan Sarajeva, osiguran je hotelski smještaj (jedan polupansion).
- (6) Centralna harmonizacijska jedinica Ministarstva finansija i trezora BiH zadužena je da provede postupak javne nabavke pružanja usluga smještaja za predstavnike centralnih harmonizacijskih jedinica Republike Srpske i Brčko distrikta i eksternih predavača.

### **Član 3.**

- (1) Konferencija je planirana plenarno oba dana za sve učesnike prema usaglašenom sadržaju i agendi.
- (2) Agenda Konferencije bit će izrađena naknadno i činit će prilog ove Odluke.
- (3) Za tehničku podršku učesnicima u vezi s informacijama o prijavama i obavještanjem učesnika, kao i ostalim sadržajima Konferencije, KO CJH će imenovati po jednu osobu iz svake centralne harmonizacijske jedinice.

### **Član 4.**

- (1) Procijenjeni ukupni troškovi smještaja za eksterne predavače i predstavnike centralnih harmonizacijskih jedinica, troškovi ručka i osvježenja za sve učesnike tokom trajanja Konferencije iznose najviše do 22.000,00 KM sa PDV-om, ukupne neto naknade za eksterne predavače iznose maksimalno 3.000,00 KM, neto naknada za troškove usluge kamermana iznosi 1.000,00 KM, te troškovi u iznosu do 1.000,00 KM druge nepredviđene materijalne i nematerijalne izdatke.
- (2) Centralna harmonizacijska jedinica Ministarstva finansija i trezora BiH zadužena je da obezbijedi tehničku podršku za evidentiranje rashoda i izmirenje obaveza putem Ministarstva finansija i trezora BiH.

### **Član 5.**

- (1) Predavači na Konferenciji su predstavnici centralnih jedinica za harmonizaciju Bosne i Hercegovine, Federacije Bosne i Hercegovine i Republike Srpske i eksterno angažovani predavači.
- (2) U svojstvu eksternih predavača bit će angažovano do šest stručnih osoba, čija će prava i obaveze biti regulisani zaključivanjem ugovora o djelu.
- (3) Planirani eksterni predavači i teme njihovih prezentacija na Konferenciji bit će utvrđeni naknadno i činiće prilog ove Odluke.

### **Član 6.**

- (1) Ugovore iz člana 6. stav (2) ove Odluke će, u ime KO CJH, zaključiti Centralna harmonizacijska jedinica Ministarstva finansija i trezora Bosne i Hercegovine, i u istima će utvrditi pojedinačnu naknadu i ostale troškove u vezi s obavezama i prisustvom na Konferenciji.
- (2) Obaveze eksternih predavače bit će detaljno precizirane u svakom pojedinačnom ugovoru o djelu.

- (3) Ukupna pojedinačna naknada po osnovu obaveza predavača iznosi 500,00 KM u neto iznosu po jednom predavaču, a pripadajuće poreze i doprinose plaća KO CJH u skladu sa zakonskim propisima.
- (4) Visina naknade obuhvata pripremu prezentacije, predavanje i učestvovanje u diskusijama, a utvrđuje se na osnovu procijenjenog broja sati za pripremu i planiranog vremena trajanja prezentacije.
- (5) Za predstavnike CHJ MFT BiH, CHJ FMF i CJH RS ne obračunava se i ne isplaćuje naknada za učestvovanje u prezentacijama na Konferenciji.

#### Član 7.

- (1) Centralna harmonizacijska jedinica Ministarstva finansija i trezora Bosne i Hercegovine, u ime KO CJH, zaključit će ugovor o djelu s kameranom, angažovanim za video snimanje cijelog toka Konferencije.
- (2) Ugovorom iz prethodnog člana biće precizno definisane obaveze kamermana/snimatelja.

#### Član 8.

- (1) Sredstva za realizaciju Konferencije osigurana su u budžetu KO CJH za 2024. godinu.
- (2) Evidentiranje obaveza, plaćanje i izvještavanje vrši se u skladu s Odlukom o usvajanju procedura za stvaranje, evidentiranje obaveza i izvještavanje o izvršenju budžeta KO CJH broj KO-11/2017 od 19.10.2017. godine.



PREDSJEDAVAJUĆI KO CJH

*[Handwritten signature]*

**Broj: KO-12-1/24**

**Sarajevo, 06.11.2024.godine**

**Dostaviti:**

- članovima KO CJH,
- internet stranica CHJ MFT BiH – KO CJH,
- a/a.